

嘉慶直隸太倉州志

太倉州志序

嘉慶癸亥仲夏太倉州蔣牧
勵宣以刊州志旣成郵寄示
余而乞弁言余率讀之門分
十八叙次秩如簡而不遺詳
而有要因革體例咸得史氏

法蓋志之修肇始前牧于君
鰲圖成於權州事汪君廷昉
而總理纂修則爲王蘭泉司
寇覆校則爲孫淵如觀察司
寇觀察皆淹博有識而汪君
兩權州事其間康茂園河帥

曾牧是州復於水利一冊多
所增刪茂園先生身任河防
有年於水道之廢興修塞之
利弊洞悉獨精宜其書之衆
美具臻毫髮無憾非僅出前
明張受先所撰州志上已也

太倉瀕海爲州余於嘉慶二
年七年先後驗收開濬劉河
兩至其地見其山川清淑民
居稠密與蘇松相近而風較
樸醇崇明雖孤懸海外而西
南實當長江震澤之委水淡

可資灌漑稻麥木棉之利甚鉅官斯土者誠得是編置諸左右而培其厚革其澆時水土之宜而盡力焉行見化理烝烝未必不視通邑大都轉爲易治而且物產滋饒尤非

可概以斥鹵律之者也則茲
編者詎非守是邦之圭臬歟
由此推之一省推之天下倘
得各具成書以爲前事之師
其效不益大歟治固有不涉
簿書錢穀而操乎其原似迂

而實不可緩者正此謂也爰
書數言以爲司土者告

太子少保兵部尙書兼都察
院右都御史總督江南江西
等處地方統轄南河事務加
一級兼署江蘇巡撫錢塘費

淳
譔

序

州郡有志仿於古志其山川
封域土田賦役以及建置之
因革政事之修廢孝友節義
科名之表著志之常也志其
土之所宜與其事之所急考

證其得失使不忘有事此志
之實用而必以時修者太倉
瀕海立治海水鹹鹵屬內之
水不異江湖灌溉宜禾西承
具區陽澄巴城諸湖與吳淞
黃浦分流入海北接大江南

州半壁之水洄沿洑激蕩滌
於數百里之內故其水雖近
海而實清味淡可灌田崇明
孤懸海中環城皆江湖清水
諸沙之在南者北受長江西
受震澤至永寧諸沙而北始

有鹹潮天之所以嘉惠東南
者在是官吏之所與民宜者
治莫急於是州設於前明宏
治間至我

朝改建直隸州雍正四年分
析繁劇體制有加州志自前

明張受先草創後迄今一百
五十餘年未經纂修徐州太
守滄來鰲君前任州牧實始
倡舉延少司寇王述庵及宮
庶汪靜厓相繼纂輯嗣研薌
汪君受代繼成其事而余以

辛酉秋承乏茲土適值劉河
水道梗塞農田商販交病目
擊艱難爰上其事

兩大府洞悉民隱據情入

告得

旨俞允

觀察味莊李公慎重督

理而余與汪研薌及鎮崇嘉
寶崑新諸大尹于役河上從
事畚插兩閱月而功成士民
歡聲盈路惟

兩大府宣揚

聖化因地之利而與民宜也時新

志已成併附入俾後之人毋
忘所事而予濫竽河干二十
五年於茲矣因以夙所見聞
獨取水利一節增刪一二爲
芻蕘之獻至續纂州乘體贍
事覈補前人所未備徵信將

來諸君子勒有成書余不敢
叅末議也

嘉慶壬戌立夏後五日知太
倉州事前江蘇巡撫江南河
道總督康基田撰



古云記事之文惟志最難
郡邑志乘上登國史不可
知其難而不為以不可不知其
難而為之夫知其難而不為是
廢事也不知其難而為一是
妄作也二者交譏而志之卓

然可傳者尠太名志自前
明張受先氏修輯至今垂百
七十年山川沿革人物廢興
應增應刪莫可紀極昔沈光
祿子大王廬州翊青屢議興
脩不果為是州之缺戊午冬余

權典是郡前守滄來鰲公移
交志稿一帙退食之暇取而讀
之體例之精嚴別裁允當登
錄之詳備名公碩士鉅筆精
心可垂不朽顧余竊有疑焉
者雍正三年前太名屬蘇府

雖州六縣也雍正三年後太倉
領四縣雖州六府已而崇明之
兼隸太倉則在宏治十年設
州始不得以雍正三年後始為
太倉之崇明也且崇明懸海濱
外控諸島內護長江設險

建官較繁三邑經制所在未
容過畧藁中所錄尚多未盡
崇明張徵君詒明於是邦之
掌故適下席衙齋令其增修
而勘校之列洋面分合以重海
防而專哨巡駐守之責詳海

門界劃以正疆址而杜沙田爭
控之端考田制獎實昭舊章
而弭壞法亂制之釁至若職
官選舉諸表凡雍正三年前
者列而不表詳識於正表
外庶一邑人文咸脩郡志不

至雍正三年前崇嘉掌故
蘇既以不復屬而悉刪太又以
尚未屬而不錄致湮沒不傳
也餘多應刪應補諸條若

恩旨之不僅係乎太名武備之
尤有重於太倉以及証引缺遺

詞句繁複適觀察孫公淵如
過婁詳加考訂而是書得豪
髮無憾焉至補遺一卷悉出
張徵君手而余為折衷至當
頃余遷秩農曹當即奉職
京華是書適潰於成為書

數語簡端以志其顛末云時
在嘉慶七年龍集元默淹
茂夏六月

誥授奉政大夫陞任戶部湖
廣司員外郎署江蘇太倉直
隸州知州蘇州府海防同知加

七級紀錄八次海陽汪廷昉叙
并書

直隸太倉州志目錄

序文

總目

纂修姓氏

考證凡例

卷一

恩旨

前代蜀賑附

卷二

圖

卷三

封域

沿革
星野

形勝

四至八到

直隸太倉州志

目錄

卷四

營建上

城池

壇廟

公署

坊巷

卷五

營建下

里鋪

市鎮

橋梁

圖津附

郵養

卷六

職官

官制

職名

卷七

職官表上

州屬官師表

卷八

職官表中

鎮嘉官師表

卷九

職官表下 寶崇官師表

卷十

名宦上 臺司 提鎮 州屬官師

卷十一

名宦中 鎮嘉官師

卷十二

名宦下 寶崇官師

卷十三

學校上 廟學

卷十四

學校下 祭器 學田 書籍 鄉飲 書院

卷十五

選舉

制科 科貢 制科表 科貢表 武科
武科表 未立州衛前科目 未隸州屬
未專隸州屬前科目

卷十六

風土上

風俗 節序

卷十七

風土下

占候 方言 物產

卷十八

水利上

水道 洋面 海潮 附

卷十九

水利中

開濬海塘閘座 附

卷二十

水利下

治水議 開河規制築岸附

卷二十一

賦役上

戶口 人丁 徭役 鄉都

卷二十二

賦役下

田賦屯田附 課稅 鹽法 積貯

卷二十三

兵防上

營制 前代軍制 城堡 營汛

卷二十四

兵防下

紀兵 防海議 海島險要

卷二十五

漕政

衛制

衛職

海運考

卷二十六

人物

列傳

卷二十七

人物

列傳

卷二十八

人物

列傳

卷二十九

人物

忠節

卷三十

人物

治行

卷三十一

人物 治行

卷三十二

人物 孝義

卷三十三

人物 孝義

卷三十四

人物 孝義

卷三十五

人物 文學

卷三十六

人物文學

卷三十七

人物文學

卷三十八

人物文學

卷三十九

人物武功

卷四十

人物隱逸

卷四十一

人物藝術

卷四十二

人物 列女

卷四十三

人物 列女

卷四十四

人物 列女

卷四十五

人物 列女

卷四十六

人物 列女

卷四十七

人物 列女

卷四十八

人物 列女 名媛

卷四十九

人物 釋道

卷五十

人物 流寓

卷五十一

古蹟 城倉公廨 第宅 園林 冢墓 名蹟

卷五十二

藝文

卷五十三

藝文

卷五十四

藝文

卷五十五

藝文

卷五十六

藝文

卷五十七

藝文

卷五十八

雜綴 詳異

卷五十九

雜綴 紀事

卷六十

雜綴 紀聞

卷六十一

雜綴 紀聞

卷六十二

雜綴 稗說

卷六十三

舊序

卷六十四

舊序

卷六十五

補遺

纂修姓氏

總修

刑部右侍郎王昶

德浦青浦人乾隆甲戌進士

山東道監察御史程維岳

申伯嘉善人乾隆庚子進士

左春坊左庶子汪學金

敬徵鎮洋人乾隆辛丑進士

閱定

前江南河道總督知太倉州事康基田

茂園山西興縣人乾隆丁丑進士

總閱

陞任徐州府知府太倉州知州鰲圖

伯鑾漢軍鑲紅旗人乾隆庚寅舉人

鹽戶部湖廣司員外署太倉州知州蘇州府海防同知汪廷昉

曉山休寧人乾隆丁酉拔貢

分閱

鎮洋縣知縣一田鈞

若谷山東鉅野人丙午舉人

署鎮洋縣知縣

石文漣

華萊湖北黃梅人乙卯進士

嘉定縣知縣

盧煥

晴渥四川墊江人舉人

寶山縣知縣

楊可春

宜之山東長清人舉人

署崇明縣知縣

孫憲

範仲山東寧海州人舉人

署崇明縣知縣

左元鎮

樹堂河間人舉人

覆校

分巡山東兗沂曹濟兵備道孫星衍

伯淵陽湖人乾隆丁未進士

分修

刑部主事前翰林院編修汪產博

厚夫乾隆丁未進士

工部主事

顧王霖

稚圭乾隆庚戌進士

翰林院編修

李錫恭

協發嘉慶丙辰進士

江西會昌縣知縣

陸模孫

奕範乾隆丁未進士

雲南候補知縣

王鏞

寧絲

舉孝廉方正加六品頂帶揀選知縣錢元熙

履吉舉人

進士

陳詩庭

令華嘉慶人

候補教職

楊雲翊

羽吉

舉人

畢憲曾

靜山

蕭揆

振西

陸元吉

履祥

沈端

方立

拔貢

胡金誥

晉嘉

生

員

王國瑞

舉書

王鉅

輔功

顧張思

懷祖

沈靖

安成

楊雲璈

鈞再

張彥曾

輩文嘉定人

錢侗

同人嘉定人

增修勘校

舉孝廉方正加六品頂帶候選直隸州州判張一詒

敬謀崇明人拔貢

採訪

恩

貢

生

王

銑

振聲

布

衣

李坤元

成真

總校

太倉

州

學正

周

泰

寧一吳縣人舉人

陞任知縣鎮洋縣學訓導吳

桓

居員無爲州人舉人

鎮洋縣學訓導鄭曰豫

貢

可權桐城人舉人

原任桃源縣學教諭王

雲

右山陰人拔貢

分校

舉

人

盛大士

履端

恩

貢

生

陸枚孫

茂叔

生

員

趙

理

寅亮

王

坤

用仁

黃金臺雲章

陸份士哲方

張肇勲慎初

趙應槐蔭台

凌夢蕃啟元

柴桂向榮

王泰一煥文

張大珠蕊三

王文潞介人

陸文彬廷彥

錢宮垣星甫

收掌

生

員

顧慕京

景考

監局

廣西候補同知

陸受豐

棟梁

監

生

王確

潛夫

監

生

陸愚卿

願吾

繪圖

布

衣

吳斌侯

學山

考證凡例

一州志張受先所修不無疎略而自崇禎十五年距今凡一百五十餘年中間如沈起元王歲諸君續修未竟故事漸湮誠不可不亟爲編輯州尊鰲君好古嗜學報政之餘用以自任實爲盛舉乾隆六十年延程侍御維岳又選文士十六人開局分修其人物一門搜采難而載筆非易則君自任之未幾程君以事辭去嘉慶元年四月予來主婁東書院君屬予成之嗣分修各以書來頗有條貫二年五月君復以人物志稿見示固已綱舉目張但一州典故與府相等所宜精益求精唐貞觀年間敕孔穎達等經師大儒分撰

五經正義既經刪定復令馬嘉運等十人參議又令與蘇德融等六人覆加詳審不憚再三總期精確予前此屢任館書且充

大清一統志總修畧悉志書規則因逐一詳加釐訂仿徐碩嘉禾志考證之例而不復別標名目

一張志分封域營建官師學校風土選舉水利賦役海運兵防海事名宦人物藝文瑣綴共十五門其後鎮洋嘉定寶山崇明各志門類多寡及立名義各有不同今酌其宜分宜併者冠以

恩旨附前代獨賑末載舊序共十八門似無不兼綜賅備且合史裁

一 張志封域所列沿革星晷里至形勝山岡墩共類七
今存五門以岡墩附於山下若鎮洋縣志以風俗物
產亦入封域似爲未善並改之

一 營建所列城池壇壝及祀典各廟公署坊巷里鋪市
鎮橋梁卹養附以牌坊堡寨關閘村鋪鎮洋縣志因
有普濟育嬰等堂故添卹養一類今從之

一 職官所列官制胥徒職名爲類三其元人名已恭照
欽定國語改譯

一 名宦當如江南通志移編於職官志後以符體式舊
州志在海事志後非是今列臺司州牧縣尹倅貳學
官武職爲類六

一學校列廟學祭器樂舞學田師儒書籍鄉飲又應添
書院規制一類其社學義塾附於書院條後爲類八
舊州志復載教職姓氏爲題名又有胥役一條應刪
并附師儒後

一選舉舊州志向列風土門後未免舛誤今移於學校
志後應列制科前代科目貢生舉人進士薦辟例選
恩蔭武舉爲類八皆按科續纂

一風土應列風俗節序占候方言物產爲類五將江南
通志蘇州府志及本州名人著錄之書補其罅漏訂
其異同

一州治沿海且係三江下流蓄洩疏導地方要務今水

利內列水道開濬治水議開河規制爲類四其海潮
海塘閘座等項依類編入至築岸一條卽附開河規
制中

一賦役列戶口人丁鄉都田賦課稅鹽法積貯蠲賑爲
類八其徭役屯田等項酌類附識

一兵防列營制城堡營汛紀兵防海議爲類五一律添
纂其舊志所載海事一門卽刪附于此所有椿柵等
項應類附者亦依類附載

一漕政列衛制衛職海運考爲類三海運乃元季遺規
詹事邵遠平元史類編取冠簡端良有深意刪爲考
據附識于卷

一人物凡大事業大學問大氣節入于列傳嘉定志之
賢達寶山志之仕蹟崇明志之忠節此中皆擇其大
者以列傳志之其以一節見者編爲治行孝義文學
武功隱逸藝術列女釋道流寓爲類十舊州志止於
明季鎮洋志已將 國朝名賢添載而自乾隆九年
縣志告成以後至今又五十餘年所有已故人物陸
續採訪徵實纂輯

一古蹟列公所寺廟第宅園林祠墓名蹟爲類六舊州
志將寺觀以下五門列之瑣綴志於義未允悉改正
之

一各史經籍藝文志類皆載某書若干卷某人撰江南

通志例亦如此其晁公武讀書志陳振孫書錄解題
馬端臨經籍考錢曾讀書敏求記朱彝尊經異考諸
書則摘取著書大意卽四庫全書提要亦復如此
未有採摘一二詩文爲藝文者舊州志所撰非是今
別撰藝文一門但古來著錄家每分經史子集而各
邑舊志皆載其書目不綴解題今歲久書多散亡未
易循名區別如鎮洋志將吳震元水經廣注列於經
訓較之崇文總目以樹萱錄入之種植及通志略以
錢本草入之泉幣尤爲乖謬茲故僅存藝文總目以
書從人以人從代不復分類仍張志及嘉定崇明志
例也其中雖間有搜採所未及而遺漏似屬無多且

卽其書已佚亦可知大槩作書之旨至園林寺觀忠孝節烈等事歌詠亦所不廢則分附各類之下

一雜綴改祥異紀事紀聞稗說爲類四祥異九闕人事之得失故首列之

一受先志頗多草率故宋孔傳有辯誣之作如鄭明德不知爲何人黃暉不詳殉難蔭生又顧同寅等以爲黜生而鎮洋志於吳繼善入文學而不入忠節今詳考各書逐一改正

一郡邑志書本爲異日作史張本故官名地名一切當從史例太倉在元時則屬平江路係崑山嘉定兩州之地元制江浙初立都督府尋改安撫司又改爲總

管府謂之行中書省平章政事所屬而府州縣有肅政廉訪司有左右錄事司州縣有達魯花赤明制成化八年始設總漕其江南總督設於嘉靖三十三年四十一年罷之巡撫則於景泰四年始設大抵皆加都御史以行故謂之臺洪武年間罷中書行省平章政事等官乃改爲布政司有左右參政左右參議又按察司有副使有僉事分道巡察而督糧爲布政司所統提學爲按察所統與今制以京銜出使者不同分守分巡亦各有專司焉至府稱知府有同知通判又有推官州稱知州有同知判官吏目縣稱知縣有縣丞主簿典史此官名之不可紊者當考其時按其

地據實以稱之今各志內總漕總督或稱總制制府
制軍制憲巡撫或稱撫軍撫憲中丞布政司爲藩臺
按察司爲臬臺或稱兩臺或仍明制合都司稱三司
道爲觀察廉訪巡按御史稱直指使者或稱臺司或
稱臺上而學道稱督學或稱學使者雜出不倫府稱
太守州稱州大夫稱州守又稱州太守承書札文移
之俗習書之於志使有識者噴飯羅列變換似誇博
洽適形鄙陋至武職總兵副將參將游擊都司守備
稱謂歷然乃或稱總戎或稱將軍甚至把總稱把戎
尤謬也又如大學士爲相國爲首揆又稱六官之長
爲大冢宰大司農之類又太監稱中使太監而督廣

東采珠者稱采使尤屬不經又如狀元會元解元會魁鄉魁經魁諸稱及舉人曰登賢書鄙陋可笑皆史例所無總之敘明時官職當依明史敘國朝官當依會典今一併以史例正之至生員或稱庠生或稱入泮或稱游於庠廩生或稱食餼或稱餼生或稱博士弟子今悉改稱諸生因廩增附久而莫辨也其監生或稱太學生或稱國學生或稱入成均或稱就北雍試今悉改稱監生貢生或稱明經或稱貢於太學並稱副榜爲副乘今悉改稱貢生別以恩拔副歲由援捐例者則稱例貢生由修某書議敘某職皆分別直書以昭畫一再書廩生卽不書諸生以廩生無不

由諸生中出書進士卽不書舉人生員以進士無不從舉人生員中來也又如游庠二字不審出在何書又以選拔貢生爲拔萃科亦不知所本今皆改若初任曰選起復曰補改缺曰調發試用而督撫提補者亦曰補由進士曰授京官出外曰授捐者皆曰入貲由小而大者曰陞曰擢主考官同考官曰充修書館職亦曰充歸於一例以免紛糾轆轤

一張志於元明間人物志鄉鎮蓋是時人雖太倉而籍貫有書崑山蘇州者如此分別志之以見不苟故寶山縣志因之今鎮洋志將張志內及以後人物盡修入鎮洋並不畱爲日後州志地步甚屬非是而其凡

例乃有前代名人歷年久遠居址無考又州縣壤錯遷徙靡常難以判別俟州志修時在州入州在縣入縣之語王君歲謂縣志成於乾隆九年已難判別今又踰三十年更何從考核此次修輯州志將雍正三年未分縣以前人物凡張氏州志所載及鎮洋志所載悉歸太倉其設縣後居址籍貫隸縣境者分歸縣志此論極爲平允第太倉故老傳言鎮洋初析縣時知州知縣取其時學冊以冊列在第一名者畱太倉第二名者入鎮洋其後亦然夫學冊之先後乃入學年分之先後與某次入學名次之先後耳則其於諸生居址固未嘗區別也是當時之分屬已於居址無

涉不足憑信而分縣後仍以同城州縣通考與嘉定寶山各城各考者規條迥異竊謂王君所云居址籍貫隸縣境者分歸縣志亦難核實惟有就或入學或援例所書籍貫分別登載其節孝由何縣請旌卽入是縣而未旌者照送來事略書之若夫布衣隱逸釋道亦同此例至寶山志所載居址自屬可信第以鎮洋例之不便一書兩例故亦以未分寶山之前一切人物俱歸嘉定其嘉定舊志所失載寶山採之者今亦錄入至分縣以後俱隸寶山庶爲畫一

一賢奸皆宜直書其名直舉其事張志於王臨亭傳則云蔽於顯者李汝節傳則云失鄉貴人意朱邦臣傳

則云李御史某如此甚多而鎮洋志於吳時來亦書吳興某郎倚勢張甚不敢直斥其名蓋士氣萎靡娶娶澳認大非古人直筆之遺今凡有可考者悉標出之以示將來所謂發潛德之幽光誅姦諛於已死

一受先撰明代人物小傳時無國史故多取之家傳行述擇不精而語不詳若鎮洋嘉定各志修於明史已成之後乃仍採取行述年譜更不足憑茲明朝一代

人物見於明史者悉用史文及王氏鴻緒明史稿

此書

曾經進呈如爲明史所未載則博求之詩文各集及說部

書中詳考採錄及國朝人物兼採八旗通志各省

通志及蘇州府志蓋志書俱經進呈送館自皆公允

一志人物必考實在蓋意存矜慎期取信於後世如治
行則紀其所興何利所除何弊平反者何案教化則
紀其識拔成就者何人忠節則紀其參劾何人條奏
何事得罪何因如文學則紀其窮何經通何史詩文
宗法何人著作見有何集某集有若干卷帙方足信
今傳後而各志籠統約舉已不免於浮夸若夫富而
好禮爲善於鄉尤需徵實若鎮洋志旣別設耆碩又
設雜傳兩門崇明志又設懿行一門所謂賑災施粥
修橋造寺葺文廟捐學辦普濟堂育嬰堂任某大役
興某大工皆無實在銀米田數是時必因其子孫或
幸其富厚本挂名於勸捐董事之間而遂希好善樂

施之譽冒濫尤不可訓但前志已書善善欲長而爲時已久無從辨其真僞是以姑附於行義之內無徵不信蘇州志序謂手筆旣俗兼多難信者是也其雜傳中無類可歸者改入雜綴志附記於此以俟後日續修君子云

一前各志內有不切膚詞陳陳相因者如生平事親孝稱子職手足友愛處友朋族黨間敦厚樸實又如性朗孝友謹言笑愼然諾積學砥行宗黨推之又如性朗豁達學務研究日課有程屢試南北數奇不遇又如所作深醇雅健文壇樹幟書法尤工詩古特其餘事赴省試思欲振前緒啓後昆終以數奇蹉跎例此數

十句移步換形人人可用按之乃羌無故實今亦稍加刪節

一史例傳皆書名史記於汲黯司馬相如間載其字餘無字者居多兩漢以後史皆有字而從不別載其號故舊傳中所載別號悉削去之

雜綴內最多不能盡改仍之

又如

嚴嵩稱分宜張居正稱江陵尤爲乖謬亦一槩書名又史例其人非在三公之位者不稱公辨於顧氏日知錄者甚詳今狀述志銘之陋人人可以稱公舊志沿而不改今悉爲刪削又近人任意簡略如鎮洋志嘉定志地名入字輒省一字亦必寫全之

一父子祖孫皆應立傳而在一代中者合傳分在兩代

者分傳或門類各別亦如之李延壽南北史例如此
今因焉

一州內名人歿後有葬在境外者應照張志周廣之例
於傳內書其葬地倘他縣志書不載後人亦可考而
知

一勝朝殉節諸臣錄內有本州人曾經

賜謚者一體查添

一引用各書除從前查辦違碍書籍奉

旨全行燬禁者照方略館奏單及武英殿所刊禁書
目一切屏除其抽燬之書非應全撤之本仍可引用
又各省書目雖稱應禁而由督撫所擬未經

內廷奏准者亦不入此例

一太倉自張氏修志後老成凋謝舊家所藏書籍十不一存無從借閱卽將家中塾南書庫存書及借諸朋友家者亦屬無多舛陋之譏無以自解至地近海濱潮汐舄鹵官司冊籍吏胥率以霉爛爲辭如屢次蒙恩蠲免所蠲銀米各數及遇偏災所賑貸銀米數目多謂無從稽考交查之後甚至經年不報一紙其餘賦役創置修葺旌表各數目年月更無可據故考古旣難知今不易挂漏亦多未免

嘉慶三年六月望

青浦王昶識

直隸太倉州志卷第一

恩旨

國家

累洽重熙深恩厚澤溥施海宇江南財賦之地

翠華屢幸九沐

獨除撫卹之仁州屬瀕海有婁江水利亦時多潮溢之

患濬河築堰一經入告卽蒙

宵旰焦勞親爲經畫

恩綸下沛海宇歡騰今恭錄蘇州太倉及屬縣

恩旨於卷端附前代蠲賑於後其關江南通省州屬亦

預者存俟省志恭錄志

恩旨

康熙四十六年十一月二十三日奉

上諭江浙在京官員大學士張玉書尚書王鴻緒等朕在宮中無刻不以民間疾苦爲念恐遇旱澇必思豫防至巡幸各省於風俗民情無不諮訪卽物性土宜皆親加詳攷每至一方必取一方之土以驗試其燥濕今歲南巡江浙見天氣久晴所經河渠港蕩之水比舊較淺卽慮夏間或有亢暘之患是時麥田雖甚豐稔然南方二麥用爲麴蘖者多不似北方專資麴食南方惟賴稻米北方則兼種黍稷粱粟有攜北方黍稷及蔬菜之類至南方種植者多不收獲此水土異宜不可強也且江

浙地勢卑下不雨則蒸濕人不能堪有雨則涼人皆爽
豁雖地稱水鄉而水溢易洩澇歲之爲患尙淺旱歲之
爲患甚劇北方經月不雨亦尙無礙南方夏秋間經旬
缺雨則田皆坼裂禾苗漸槁矣喜雨亭記云十日不雨
則無禾蓋謂此也江浙農功全資灌溉今河渠港蕩比
舊俱淺者皆由素無瀦蓄所致雨澤偶愆濱河低田猶
可屏水濟用高仰之田力無所施往往三農坐困朕茲
爲民生再三籌畫經久之計無如興水利建牐座蓄水
灌田之爲善也江南省之蘇松常鎮及浙江省之杭嘉
湖諸郡所屬州縣或近太湖或通潮汐所有河渠水口
宜酌建牐座平時閉牐舊水遇旱則啟牐放水其支河

港蕩淤淺者並宜疏濬引水四達仍酌量建陂多蓄一二尺水卽可灌高一二尺之田多蓄四五尺水卽可灌高四五尺之田準此行之可俾高下田畝永遠無旱澇矣爾等其以朕意曉諭諸臣詳議以聞

雍正元年七月二十八日戶部以蠲免項內蘇太屬下衛所舊欠屯折等項錢糧請

旨奉

上諭未完屯折銀二萬四百九十餘兩內存留俸工銀一千二百九十餘兩雖不應豁免但此事歷年已久該撫旣稱實係拖欠在軍著一併豁免

元年九月十六日戶部將江蘇所屬蘇太等衛

舊欠項下不應蠲免銀請

旨奉

上諭此民屯地丁等銀三百五萬九千餘兩內地租等項銀六千八百七十餘兩雖不應豁免但此事歷年已久實欠在民著一併豁免

二年八月二十四日奉

上諭戶部前因江浙督撫等摺奏七月十八十九等日驟雨大風海潮泛溢衝決堤岸沿海州縣近海村莊居民田廬多被漂沒朕卽密諭速行具本奏聞賑卹但思被災小民望賑孔迫若待奏請方行賑卹致時日耽延災民不能卽沾實惠朕心深爲憫惻著該督撫委遣大

員踏勘被災小民卽動倉庫錢糧速行賑濟務使災黎不致失所其應免錢糧田畝卽詳細察明請蠲凡潮海未至之村莊不得混行濫冒至於緊要堤岸衝決之處務須速行修築無使鹹水流入田畝朕念切痾瘼務令早沾實惠該地方官各宜實心奉行加意撫綏俾凋瘵得蘇生全速遂以副朕勤恤民隱至意爾部卽行文各該督撫遵奉速行

二年九月二十一日奉

上諭江南浙江總督巡撫等今歲七月中颶風海潮泛溢江南浙江沿海州縣衝所堤岸多被衝塌居民田廬漂沒朕軫念深切已降諭旨令浙江地方官亟行賑濟

撫綏毋使災黎失所今被衝海塘若不及時修築恐鹹水灌入河內有礙耕種爾督撫等著卽查明各處損壞塘工料估價值動正項錢糧作速興工至沿海失業居民度日艱難藉此傭役俾日得工價以資餬口是拯救窮民之法卽寓其中矣將此再行飭諭務期實心遵旨速行以副朕憂卹元元至意倘有不肖地方官扣剋工銀及怠緩不力者該督撫嚴查卽行題參從重治罪

二年九月二十二日奉

上諭湖廣總督楊宗仁江西巡撫裴律度河南巡撫田文鏡山東巡撫陳世倌安徽巡撫李成龍今歲各省秋成大有惟浙江江南沿海地方七月十八九等日海潮

泛溢近海田禾不無損壞朕軫念災黎惟恐失所業經嚴飭各省督撫發倉賑濟多方撫卹但蘇松杭嘉等府人稠地狹向來出米無多雖豐年亦仰給於湖廣江西及就近鄰省今沿海被災恐將來米價騰貴小民艱食湖廣江西地居上流河南山東二省接壤江南今歲俱各豐收安徽寧太等府屬亦俱收成豐稔著動湖南司庫銀買米十萬石江西司庫銀買米六萬石運交浙江巡撫平糶動河南司庫銀買米四萬石山東司庫銀買米六萬石安慶司庫銀買米五萬石運交蘇州巡撫平糶俱著速卽辦理遴委廉幹賢員陸續運送平糶銀兩仍移還補庫其米應於何地交卸湖廣江西督撫卽咨

會浙江巡撫河南山東安徽巡撫卽咨會蘇州巡撫酌
議速行務於蘇松杭嘉四府民人有益毋得怠緩遲誤
二年十月二十五日奉

上諭江浙兩省督撫提鎮江浙兩省沿海地方於七月
十八十九兩日皆被潮水漂沒居民廬舍雖經頒旨加
意賑卹然朕憫惻之念至今尚未能釋惟有朝夕警惕
以答

天意但海爲衆水所歸無不容納今乃狂潮泛溢水不
循軌或者海洋潛藏匪類亦未可定稽諸前事往往有
之沿海各省督撫提鎮務須實心愛養小民整理營伍
俾閭閻各安其業汎防有備無虞毋令海洋別生事端

庶不負朕委任之意

二年十二月初四日奉

上諭吏部尚書朱軾浙江沿海塘工最爲緊要署巡撫石文焯前奏必須通用石塊修築後又奏稱不必用石全無定見誠恐貽誤塘工朕已諭令法海修吉圖作速詳議具奏矣但恐法海等初任不諳地方情形爾曾爲浙江巡撫必知海塘緣由著馳驛前往浙江將作何修築之處會同法海修吉圖詳查定議交與法海等修築爾卽回京朕思海塘關係民生必須一勞永逸務要工程堅固不可吝惜錢糧江南海塘亦爲緊要浙江事竣卽至蘇州會同何天培鄂爾泰將查看蘇松塘工如何

修築之處亦定議具奏

二年兩江總督查弼納奏請分蘇松常三郡劇縣更設縣陞太倉州爲直隸州管轄嘉定崇明兩縣又割州地之半設鎮洋縣再析嘉定之半設寶山縣俱隸於州經九卿議奉

旨依議

查弼納疏略江南賦稅甲天下蘇松所屬大縣

一縣之糧額與四川貴州一省之額數相等况州縣錢糧納戶零星款項繁雜民情巧詐百端詭影徵比倍難加以人情好訟盜賊竊劫刑名又極紛繁縣令徵比錢糧辦理案牘日夜不得休息夫事務殷繁則才短於肆應而稅賦難清則政拙於催科官旣不能久在吏遂資緣舞法蝕課蠹民姦弊百出亦事勢之必然也臣聞琴瑟不調改而更張大縣難理莫若分而爲二此亦因地制宜補偏救弊之一術也查蘇州府屬之長洲吳江常熟崑山嘉定五縣太倉一州松

江府屬之華亭婁縣青浦上海四縣常州府屬之武進無錫宜興三縣額徵銀米多者四十餘萬少者不下二三十萬以此十三州縣各分爲兩其錢穀刑名尚與大省之中府相等經理亦非易易然較之未分以前僅爲得半中材或可奏效矣其分縣疆域自某某至某某處舊縣管轄自某某至某某處新縣管轄以及地畝若干分晰酌議具題再太倉一州現在請改直隸倘

恩准卽

蒙

將該州所屬知縣并崇明嘉定及嘉定所分之縣均歸該州管轄所有新分之十三縣聽部頒縣名以傳永久

五年十二月二十日奉

上諭據范時繹奏稱太倉州鎮洋縣士民僉稱境內劉河巨工蒙發帑開濬而七浦一河原係民田沾獲其利今情願照依舊例業戶給食佃戶出力不敢再費帑金等語朕思君民原屬一體民間之生計卽國計也倘遇

國用不敷之時勢不得不借資於民今國家財用充足
朕爲地方籌畫萬年之利不惜多費帑金興修鉅工養
育萬姓若仍用民力以辦公事非朕本心也況小民効
力工程或致荒其本業而又不免官吏之督催煩擾朕
心實爲不忍昨蘇州一二有力之紳士懇請捐資以助
地方之公事與此不同朕是以降旨准行著將范時繹
所奏士民捐助之處停止仍動用公帑辦理並將朕旨
通行曉諭該州縣士民伊等當體朕愛養元元之意於
工程告成之後加意照看歲歲疏濬防護俾地方永受
其益則勝於目前之趨事赴功多矣

十年八月初九日奉

上諭署蘇州巡撫喬世臣奏稱本年七月十六日夜海潮湧溢近海州縣民人不及防備有被災受傷者已飛飭遣道員等分路查勘加意撫卹並令該州縣動用存倉米穀糶賑兼行以濟民食等語朕聞江南濱海民人被水深爲軫念據喬世臣奏稱現在委員查勘辦理朕思卹災拯患之道必有實心實政然後窮黎可沾實惠况小民被水之後室廬蕩然深爲可憫著署督撫尹繼善喬世臣等督率有司誠心撫恤毋使流離失所至於今冬冰雪嚴寒之際明春青黃不接之時尤當預爲籌畫資其生計亦著該署督撫等詳悉妥議奏聞辦理又聞沿海各汛兵丁所居營房有被水衝

冊者著該管武職大臣等體恤安插俾獲寧居欽此

十一年五月奉

上諭上年江蘇等處被水之州縣朕已降旨多方賑濟
今春又復添賑四十日以加惠貧民茲當徵收錢糧之
時其被災稍重之處遙念小民輸課未免艱難著該督
撫秉公確查將應行緩徵之州縣奏聞緩徵待至秋成
再令完納以紓民力以廣國恩特諭

十一年七月十一日奉

上諭聞上年秋月江南沿海地方海潮泛溢蘇松常州
近水之人遭值水患其本地紳衿士庶中有僱覓舟船
救濟者有捐輸銀米煮賑者今年夏間人有時症紳衿

人等又復捐施方藥資助米糧似此拯災扶困之心不愧古人任卹之誼風俗淳厚甚屬可嘉著該督撫宣旨褒獎仍遵前諭將捐助多者具題議敘給與匾額登記檔冊免其差徭並造冊報部特諭

乾隆元年五月初九日奉

上諭三代以前不言水利溝澮之制時蓄洩備旱潦尚書周禮所載爲田功計者其利甚溥開渠引水溉田育穀始于戰國蓋因阡陌旣開溝澮尋尺已失其舊也歷代言水利者得失參半總以相土宜順水勢近不擾民遠可利人爲主今江南所屬蘇松常鎮四府太倉一州現在興修支河仿河工海塘之例督撫委降革廢員及

本籍候選考職人等効力承修朕思渠港圩壩附近溉田原宜開浚以備旱潦但開浚之法須河身深廣蓄洩得宜其挑取塗泥遠移他處或培窠下之地或築堤岸之上方爲久計若僱夫挑土堆積河旁雨淋水潦旋即入河不久淤塞務名無實徒滋繁擾至古隄舊渠倘遇旱潦不爲田害便宜仍舊紛更繁擾甚無謂也今蘇松等處內地支河原不比河工海塘之險古隄舊渠如元和致和等塘民利往來田資灌溉至今受益吳本澤國三江震澤支流四溢如邱與權單諤郊亶趙霖夏原吉周忱等所論水利攷據精核得失瞭然今効力承修人員相度情勢諳練自遜前人倘有夾塘蓄水石梁洩河

止宜加修不必改築若有必應開浚建築之處督撫留心細勘并飭州縣協辦工程一應調遣臂指易使至常州等州縣按畝派錢以供大修朕已降旨停止倘有官吏藉端中飽卽絲毫派累經朕訪聞必加嚴處嗣後督撫以至州縣建言爲民興利或利小而害大或利在目前而害伏於後或有利無害而其事易剏難成皆宜詳審熟籌慎之於始以體朕惠養元元之至意欽此

元年六月奉

上諭史書詳誌河渠經術兼明水利誠以國計民生所關也果使水道疏通脉絡流注陂澤非沮洳之藪隄防有蓄洩之方旱潦有備而田廬無虞其有關於閭閻誠

非淺鮮我

皇考軫念黎元興行水利凡直省泉源河湖莫不濬導俾民得以灌溉轉瘠爲腴至於蘇松之太湖吳淞白茆劉河歸海要道並淮揚之槐子烏塔河泰州如臯運河串場車路海溝等河尤不惜帑金專員督理各河古道或爲豪強侵佔者諭令嚴查清出始得一一開通建廬築堤按時啟閉使近水田畝均沾膏澤貨船鹽艘通行無阻利賴甚溥但自開浚以後已閱數年圩岸不無坍頽沙泥不無淤積朕思與其歲久濬築事難費倍不若逐年疏濬事易費省著江南總督暨河道總督令管理水利河務各官及濱河州縣各於所屬境內相視河流

淺阻每歲農隙募夫挑挖定爲章程逐年舉行必令功
施可久惠澤生民勿得視爲具文玩誤工作及陽奉陰
違絲毫擾累特諭

十二年八月初六日奉

上諭據安寧奏稱蘇松等屬之崇明寶山上海鎮洋常
熟昭文南匯江陰各縣沿海沿江等處于七月十四日
夜颶風陡作大雨傾注海潮泛溢田禾被淹人民房屋
亦有漂沒冲坍而崇明寶山爲最重上海鎮洋似覺亦
重現在分別查辦其沿海未經報到之處查明續奏等
語該處人民猝被風潮非尋常可比朕心深爲憫惻著
該督撫等加意撫綏實力查辦至錄旗兵丁因有糧餉

例不撫卹但是日風潮昏夜驟至兵丁廬舍人口同被
災傷殊可軫念著加恩一體查卹俾被災兵民均沾實
惠欽此

十二年八月十五日奉

上諭江南沿海州縣陡被風潮朕已降旨令該督撫加
意實力辦理大學士高斌見在江南卽著該部卽速行
文令其前往被災之處會同該督撫將賑卹事宜悉心
籌辦務使災黎均沾實惠欽此

十二年八月十五日奉

上諭前據安寧奏報蘇松等處海潮泛溢人口田廬間
有漂沒朕已降旨被災兵民加恩賑卹今又據安寧續

奏見在災地情形雖輕重不等而小民猝被風潮棲身無所餬口無資朕心深爲軫念此次被災旣重非尋常水旱可比一應賑恤之事不可拘泥常例該督撫等惟視災地情形竭力撫卹督率有司悉心查辦俾災黎不致失所并將上下兩江明歲應運漕糧截留二十萬石以備將來賑糶之用該部卽遵諭速行

十二年九月初六日奉

上諭本年七月十四日蘇松等處猝被風潮而崇明一邑受災爲尤重朕前據安寧奏報深爲憫惻卽降旨諭令加意撫恤并截留漕米以備接濟又令大學士高斌留南查辦月餘以來憂心未嘗稍釋今續據安寧查報

崇明一邑坍塌房屋漂沒人民甚多以此非常之災朕
覽奏徬徨軫惻寢食爲之不寧惟有速籌補救庶災黎
得獲安全見在安寧奏報已撥運倉穀二十餘萬並弛
海口之禁俾商販流通米價不致甚貴則米糧一項似
可無虞唯是房屋坍塌災民無棲身之所况轉瞬卽屆
嚴冬應速行給資修葺并于常例之外量爲加增俾得
從容措辦至於來春播種關係綦重亟應借給籽種及
時耕作亦令該督撫董率有司預行經理又思崇邑被
災旣重縱使賑恤多方恐元氣不能驟復所有該縣應
徵明年地丁錢糧特沛殊恩全行豁免至本年未完地
丁以及新徵漕項並歷年帶徵緩徵銀兩概予停緩其

綠旗兵丁朕已加恩一體撫恤但念伊等廬舍人口同被災傷雖經安輯未免拮据著再加恩各賞給一月錢糧以資用度至寶山鎮洋各處被災次于崇明輕重不等其應如何賑卹加恩之處著大學士高斌會同督撫悉心酌議無拘常例妥協辦理務使凋瘵復蘇登災黎于衽席以副朕夙夜焦勞休惕靡寧之意該部卽遵諭行

十二年十二月二十四日奉

上諭令歲秋月江南地方猝被潮災朕心深爲軫念屢降諭旨令該督撫加意賑恤惟是賑濟月分至冬底已滿離來春麥熟尚遙恐窮黎仍不免暫待之虞著將蘇

太松所屬被災最重之崇明極次貧民再加展三月次
重之鎮洋寶山太倉上海及南匯之浙鹽場極次民竈
俱加展兩月又次之常熟昭文極次貧民加展一月其
淮北所屬被水成災雖較江南稍次但係積歉之區其
災重之海州沐陽邳州宿遷睢寧銅山沛縣安東桃源
九州縣被災九十分者極次貧民俱加展兩月被災七
八分者極次貧民俱加展一月其兩淮鹽竈戶亦著一
體加恩被災十分之莞漬九分之板浦絲漬中正臨洪
興庄七分之伍佑極次貧民俱加展兩月六分之新興
極貧加展一月次貧同五分之劉庄廟灣極次貧俱加
展一月至衛軍貧生以及寄居場地之民戶各隨坐落

地方分別照例辦理俾得有資接濟該部遵諭速行

三十七年正月初二日奉

上諭江蘇省瀕臨江海河湖各屬上年七八月間偶被偏災業經蠲賑兼施俾閭閻口食無乏第念方春青黃不接適屆正賑將停災重貧黎未免情殷待哺著加恩將清河安東桃源淮安大河二衛海門廳通州泰興崇明等九廳州縣衛勘實成災八分九分者無論極次貧民概行加賑一月其餘被災較輕毋庸加賑各屬際茲東作方興或有需酌借口糧俾資耕種之處該撫其率屬善爲經理務使閭閻共臻康阜該部卽遵諭行欽此

四十六年七月二十四日奉

上諭本年六月江蘇崇明縣猝遇風潮被災較重業經降旨令該督撫查明分別賑恤並截留漕糧十萬石以資接濟該處既經被災貧民輸將未免拮据朕心深爲軫念所有崇明縣應徵地丁錢糧著再加恩蠲免以昭體恤該部遵諭速行欽此

五十八年九月二十七日奉

上諭據奇豐額等奏江蘇省自夏秋以來雨水充盈高阜田畝實屬有收惟低窪處所間有地勢太卑積水不能補種之處收成未免稍歉等語江蘇地方連歲豐收糧價平減惟本年夏秋之間雨水稍多低窪之所間有被淹雖皆不過一隅但收成究不無歉薄民力未免拮

据所有海州沐陽清河安東桃源宿遷山陽阜寧鹽城
高淳高郵寶應東臺興化揚山蕭縣長洲元和常熟昭
文崑山新陽婁縣青浦陽湖無錫江陰太倉鎮洋等二
十九州縣并坐落各屬之淮安大河徐州蘇州太倉鎮
海等六衛地方被水田畝本年應徵帶徵漕米錢糧着
加恩緩至來秋分作二年帶徵俾民力益資寬裕以示
朕軫恤加惠至意該部卽遵諭行欽此

五十九年十月十三日奉

上諭據蘇凌阿奏蘇州府太倉州兩屬華亭等縣因八
月中積雨連綿低窪處所稻苗生有黑蟲收成稍薄等
語華亭等縣本係沿海地方秋間雨水過多底窪田畝

稻苗間多受傷收成不無歉薄民力未免拮据所有松江府屬之華亭奉賢婁縣金山上海南匯青浦太倉州并所屬之鎮洋崇明嘉定寶山等州縣并太倉鎮海二衛坐落各州縣屯地除高阜成熟地畝仍行照常輸納外其低窪受傷之田本年應徵應帶之地丁漕糧着該督等一併查明加恩緩至來年秋後帶徵俾民力益臻寬裕以副朕嘉惠閭閻至意欽此

前代蠲賑

元至元二十三年八月霖雨詔賑米

程國棟志

元貞五年七月暴風雨雹江湖泛溢沿海民傷不可計朝廷以米八萬七千餘石賑之

大德二年七月水歲稔發賑

程國棟志

五年七月暴風雨雹江湖泛溢風潮飄蕩民廬死者八九海道千戶朱旭運米千石以拯

七年七月霪雨詔賑粟一月

程國棟志

十一年大饑賑粟

程國棟志

元統二年四月水賑米撥海運糧

程國棟志

至元二年旱大饑賑鈔自春至八月無雨賑以次年

二月

程國棟志

明洪武九年蠲蘇松嘉湖水災田租

十一年五月存問蘇松嘉湖被水災民戶賜米一石蠲通賦六十五萬有奇七月蘇松揚台海溢遣官存

恤

十五年七月民饑詔賑米計二萬八千一百二十石

程國棟志

二十三年七月崇明海門風雨海溢遣官賑之發民二十五萬築堤

永樂元年蠲州縣田租之半

二年六月賑蘇松嘉湖饑十一月蠲蘇松嘉湖杭水災田租

十二年十一月蠲蘇松杭嘉湖水災田租

十三年十二月蠲順天蘇州鳳陽浙江湖廣河南山東水旱田租

宣德元年蠲水災田稅

正統元年海風潮傷禾命官田准民田起科仍減額有差

景泰五年免蘇松常揚杭嘉湖漕糧二百餘萬石

宏治五年蠲免積年逋賦十一月又免四年夏稅秋糧有差

八年水災蠲免積年逋欠糧草籽粒有差并免本年夏麥十之三

又八年五月水歲祲十一月賑銀發許墅關稅

程國棟志

十六年旱知州翟敬請巡撫都御史魏紳奏免秋稅

三之一共免米六萬九千七百六十一石有奇

正德元年蠲免秋糧十之六

五年以蘇松常三府水災凡起運稅糧俱量改折各衛所屯田籽粒視災之輕重蠲免

七年以旱災蠲免秋糧有差

十四年以水災蠲免夏稅有差

嘉靖元年七月颶風作四面施激雨奔注海溢民漂死無算知州劉世龍設法賑濟

又元年蠲免積年逋賦

七年以旱災蠲免被災全稅

又七年旱歲侵賑銀發支太倉庫

程國棟志

十八年以水災蠲免秋糧有差

二十三年以旱災全免秋糧

二十四年以旱災全免秋糧

三十三年以旱災蠲免本年存留錢糧改折起運之半

三十七年夏大雨雹大旱巡按周如斗奏免山糧

隆慶元年蠲免積年逋賦

萬歷七年七月賑蘇松水災蠲稅糧

十年大水蠲免隆慶元年至萬歷七年逋賦又蠲十一年分一應起存錢糧十之三

十六年春淫雨夏秋大旱疫遣官煮賑

程國棟志

十七年以旱災蠲免災田糧麥有差

二十二年民饑賑米

程國棟志

二十九年以水災改折漕糧有差

三十六年以蘇松常鎮四府水災詔留稅銀五萬兩

賑濟

又三十六年夏大水詔發帑賑濟

程國棟志

三十七年五月大疫八月大水巡撫周孔教檄縣賑

粥

程國棟志

天啟七年以水災蠲免起存額賦有差

崇禎十四年大旱詔蘇松等府漕米改兌麥折三分

十五年春大饑大疫攝縣事倪長圩捐賑錢米

程國棟志

恩貢陸牧孫
生員陸文彬恭校

直隸太倉州志卷第一終